

KIMBERLY A CONQUISTA TUR CURAZON FOR DI SU PROME PRESENTACION

ORANJESTAD (AAN)- Diabierna anochi a tuma lugar e eleccion pa Reina Infantil di Aruba caminda tabata tin expectativanan grandi pa kende lo bay keda eligi.

E aña aki ta e di 30 Reina di Carnaval Infantil y caminda mester bisa cu e princesita Kimberly Da Silva for di su promer presentacion caba a captiva curazon di esnan presente cu su traha Indian y su cancion di "Ia Ia Ooh".

Pero mester bisa tambe cu tur e otro princesitanan a duna un

magnifico presentacion mirando nan edad y cu nan a luci y impresiona e publico presente grandemente. Un pabien sigur ta bay na tur e princesitanan, na tur esnan cu a preparanan y tur esnan cu di un of otro forma a pone cu e muchanan aki a presenta un bunita eleccion infantil pa e di 30 aña di Reina Infantil.

Na e Reina Infantil Kimberly da Silva representando e grupo di WhizzKids un pabien y cu e sigui goza di su carnaval hunto cu tur su cowboy y cowgirlnan

